



UNIVERSITÄTS-
BIBLIOTHEK
PADERBORN

Fasti Mariani

Brunner, Andreas

Antverpiæ, M.D.C XXX III.

S. Florianvs Mart. 4. Maii.

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

omnibus, posthac improborum foret supplicium. Clavorum altero diadematis frontem, altero frenos Imperatorios ornavit, certus majores nobilioresque uniones neque Indiam posse submittere. *Ex Brev.*

S. FLORIANVS MART.

4. Maii.

FLORIANVM, quē aduersus ignium injurias patronum invocamus, aqua ad Superos transmiserunt. Diocletiano Casare, in Norico Ripario Tribunus militaris agebat, cū institutā de Christianis quaestione, nomen suum ultro detulit. Aquilinus loci praefectus fustuario primū ejus constantiam tentavit; deinde ubi Christi nomen extundi ei posse desperavit, in Anassium flumen praecipitem egit. Impii mandati obedientiam carnifex repentinā cecitate luit. Corpus exanime appulsum in scopulos aquila tutata est, Iovis olim, nunc FLORIANI satelles. Ipse Valeriam religiosam foeminam ad justa persolvenda corpori suo excitavit, & pietati mercedem persolvit, salubrium aquarum scaturigine, quas agris bibisse profuit. Igne periclitantibus praecipitium esse primus omnium carbonarius experimento didicit; Iuis, quas ipse sufflaverat, involutus flammis FLORIANVM appellavit, & integro corpore è rogo

rogo emerfit. Beneficium luculentius fuit, quàm ut illud obscurare invidia vel oblivio posset. Inde posteris quoq; mos traditus est, FLORIANI imaginē cum urnā aquariā in fronte ædium dedicandi. Vos illam, ô juvenes, etiam animis tutelam adsciscite, adversus multò tristiora incendia, quibus libido faces subdit, & perenne pabulum omnes corporis sensus subvehunt. Lingua, manus, aures, oculi, fatendum est, incendiarii sunt animæ. *Ex Sur.*

S. PELAGIA V. & M.

4. Maii.

PELAGIAM Tharsensem Diocletiani Deiq; filius sponsam ambierunt, ille corporis, hic animi pulchritudine captus. Respuit mortalem procum Virgo, & caeleste conjugium præoptavit. Paranympus Clino fuit Episcopus, quem divinitus sibi ostensum inter montium latebras reperit, ubi edocta est, qualis dos afferenda ad sponsum esset. Ea uno verbo innocentia appellatur, quam beati Genii donum PELAGIÆ tulere, cum lustrico fonte, qui ad Clinonis preces è rupe profluxit, tingetur. Augusta præterea Virgo duplici diademate cincta, ut vel hinc terrarum Cæliq; Dominam intelligas, palàm visendam se dedit, velut sanctorum sponsalium Antistes. Non fuit deinde
diffi-